

SOCIJALNO MAPIRANJE

naselja Jezero, Bankerova, Pruga 1 i Pruga 2 u MZ Kiseljak

(za potrebe izrade izrade Socijalne karte grada Tuzla)

Oktoibar, 2018.godine

Sadržaj

UVOD.....	4
1. METODOLOGIJA IZRADE	5
2. OPŠTI PODACI O MZ KISELJAK I NASELJIMA JEZERO, BARE, PRUGA 1 I PRUGA 2	6
4.1. STANOVNIŠTVO	8
4.1.1. <i>Struktura stanovništva po spolu</i>	8
4.1.2. <i>Etnička struktura stanovništva</i>	9
4.1.3. <i>Religijska struktura stanovništva</i>	10
4.1.4. <i>Starosna struktura stanovništva iznad 18 godina</i>	10
4.1.5. <i>Starosna i spolna struktura djece</i>	11
4.2. PORIJEKLO PORODICA	12
4.2.1. <i>Struktura porodica</i>	13
4.2.2. <i>Numerički odnos domaćinstvo - porodica</i>	13
4.2.3. <i>Pregled porodica po broju članova</i>	14
4.2.4. <i>Bračni status porodica</i>	15
5. STAMBENI USLOVI PORODICA	16
5.1. STAMBENI OBJEKTI	16
5.1.1. <i>Vlasništvo nad stambenim objektima</i>	17
5.2. KORIŠTENJE KOMUNALNIH USLUGA.....	17
5.2.1. <i>Subvencija plaćanja komunalnih usluga</i>	18
5.3. POSJEDOVANJE MOTORNIH VOZILA.....	19
6. RADNI STATUS STANOVNIKA	20
6.1. PREGLED RADNOG STATUSA	20
6.2. UDIO AKTIVNOG STANOVIŠTVA U UKUPNOM BROJU STANOVNIKA NASELJA	21
6.3. NAČIN IZDRŽAVANJA PORODICA	21
7. ODGOJ I OBRAZOVANJE.....	22
7.1. OBRAZOVNA STRUKTURA STANOVNIKA	22
7.1.1. <i>Predškolski uzrast</i>	23
7.1.2. <i>Pohađanje osnovnog obrazovanja</i>	23

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

7.1.3.	Srednje obrazovanje i odgoj.....	24
7.1.4.	Pregled broja djece koja su izvan školskog sistema.....	24
8.	ZDRAVSTVENA ZAŠTITA STANOVNIKA.....	25
8.1.	ZDRAVSTVENO OSIGURANJE.....	25
8.1.1.	Vakcinacija stanovništva.....	26
8.1.2.	Hronična oboljenja.....	26
8.1.3.	Lica sa invaliditetom.....	27
8.1.4.	Porodice i socijalno – patološki oblici ponašanja.....	28
8.1.5.	Maloljetnički brakovi.....	28
9.	SOCIJALNA ZAŠTITA.....	29
9.1.	POZNAVANJE PRAVA IZ OBLASTI SOCIJALNE ZAŠTITE.....	29
9.2.	OSTVARIVANJE PRAVA IZ OBLASTI SOCIJALNE ZAŠTITE.....	30
9.3.	POZNAVANJE PROCEDURA PRIJAVE NASILJA U PORODICI.....	31
10.	BORAČKO – INVALIDSKA ZAŠTITA.....	32
10.1.	PORODICE ČIJI SU ČLANOVI BILI/NISU BILI PRIPADNICI ARMİJE R BiH.....	32
10.2.	OSTVARIVANJE PRAVA IZ OBLASTI BORAČKO – INVALIDSKE ZAŠTITE (BIZ-A).....	33
11.	MIGRACIJE STANOVNIŠTVA.....	33
11.1.	PREGLED BROJA PORODICA KOJE SU EMIGRIRALE U ZEMLJE EU-A.....	33
11.2.	RAZLOZI EMIGRACIJE PORODICA IZ NASELJA KISELJAK U ZEMLJE EU-A.....	34
12.	PRILOZI.....	35
12.1.	INSTRUMENT ZA PRIKUPLJANJE PODATAKA.....	35
12.2.	KUĆNA LISTA – PRILOG 1.....	46
12.3.	PODACI OD DJECI – PRILOG 2.....	47

UVOD

Bosna i Hercegovina ima obavezu ispuniti standarde ljudskih prava iz oblasti socijalne sigurnosti i zaštite koji proizilaze iz međunarodnih dokumenata koje je država potpisala i ratifikovala. BiH također, u procesu pridruživanja Evropskoj uniji, ima obavezu uskladiti sistem socijalne sigurnosti i zaštite sa evropskim standardima iz ove oblasti. Univerzalna deklaracija o ljudskim pravima garantuje svakom pojedincu pravo na životni standard koji obezbjeđuje zdravlje i blagostanje njega/nje i njegove/njene porodice, uključujući hranu, odjeću, stan i zdravstvenu njegu, te potrebne socijalne usluge, kao i pravo na osiguranje za slučaj nezaposlenosti, bolesti, nesposobnosti, starosti ili drugih slučajeva gubljenja sredstava za život usljed okolnosti nezavisnih od njegove/njene volje. Takođe, u skladu sa članom 11. Međunarodnog pakta o ekonomskim, socijalnim i kulturnim pravima, BiH je dužna svojim građanima „priznati pravo na životni standard dovoljan za njega i njegovu porodicu, uključujući primjerenu hranu, odjeću i stan, kao i na stalno poboljšanje životnih uslova“, bez diskriminacije po bilo kojem osnovu.

Da bi BiH mogla odgovoriti preuzetim međunarodnim obavezama po pitanju obezbjeđenja adekvatnog životnog standarda koji su zasnovani na realnim potrebama pojedinca, neophodno je da mapira socijalne potrebe svojih građana, odnosno da izradi socijalnu kartu stanovništva. Socijalna karta doprinosi pravednijem ostvarivanju socijalnih prava građana koji se zasniva na njihovom socijalno-ekonomskom statusu, podizanju efikasnosti u domenu socijalne politike, te brže i lakše ostvarivanje prava građana i sprečavanje eventualnih zloupotreba prava. Kao dokument, socijalna karta treba da pokaže socijalno-ekonomsko stanje i prilike stanovništva na jednom lokalitetu u cilju adekvatnijeg analiziranja njihovih socijalnih potreba. Ona obuhvata evidenciju strukture stanovništva (spolne, starosne, obrazovne), stope nezaposlenosti, visine prihoda, radno aktivno stanovništvo, nivo obrazovanja, kao i druge pokazatelje socio-ekonomske moći stanovništva. Takođe, socijalna karta omogućava pravedniju podjelu pomoći i veću podršku najugroženijima. Nadalje, izradom socijalne karte omogućava se bolje implementiranje ciljane socijalne politike i državnih sredstava, kao i povećanje inkluzije marginaliziranih i ranjivih grupi te korištenje socijalne politike kao šanse za uključivanje svih potencijala društva u razvoj.

Socijalno mapiranje naselja Jezero, Bankerova, Pruga 1 i Pruga 2 u MZ Kiseljak u Tuzli, rađeno je kao pilot projekat tokom 2018. godine, od strane Udruženja „Zemlja djece u BiH“, Fondacije tuzlanske zajednice i Centra za socijalni rad Tuzla, uz finansijsku podršku Globalnog fonda za fondacije za razvoj zajednice (GFCF) i Freudenberg fondacija. Cilj ovog pilot projekta je bio da se uspostavi saradnja između civilnog i javnog sektora na polju socijalnog mapiranja, kako bi imali svi zajedno bolji uvid u socijalno-ekonomski status stanovnika u gore pomenutim naseljima i tako kreirale mjere, aktivnosti i projekti koje će najbolje odgovoriti na potrebe i problema stanovnika u ovim naseljima.

Dodatno, ovaj projekat je imao i sljedeće specifične ciljeve:

- Uspostaviti saradnju između institucija i organizacija koje pružaju usluge stanovnicima u MZ Kiseljak, posebno romskoj populaciji u pomenutim naseljima.
- Kreirati bazu podataka za potrebe izrade Socijalne karte grada Tuzle, koja će služiti Centru za socijalni rad Tuzla za prikupljanje podataka o ostalim naseljima Kiseljaka, kao i drugim MZ-ovima na području Grada Tuzle.
- Dobivene podatke iz Socijalne karte Grada Tuzla, kao i one koje se tiču pojedinih naselja u Gradu Tuzla, koristiti za davanje preporuka svim zainteresiranim akterima prilikom kreiranja akcionih planova i projekata usmjerenih ka pružanju podrške stanovnicima Grada Tuzla u stanju socijalne potrebe.

1. METODOLOGIJA IZRADE

U procesu socijalnog mapiranja urađenog u naseljima Jezero, Bare, Pruga 1 i Pruga 2 u MZ Kiseljak, u kome je uglavnom naseljeno romsko stanovništvo, korištena je metoda prikupljanja podataka tehnikom anketiranja. Anketiranjem je obuhvaćeno 70 domaćinstva/objekata, u kojima je nastanjeno 99 porodica, što predstavlja 90% od ukupnog broja porodica koje žive na području ciljanih naselja.

Upitnik¹ je izrađen od strane Udruženja „Zemlja djece u BiH“, uz aktivnu participaciju JU Centar za socijalni rad Tuzla i Fondacije tuzlanske zajednice. Koncipiran je tako da obuhvata sedam oblasti važnih za procjenu socijalne ugroženosti stanovnika. Pored opštih podataka o ispitanicima, prikupljeni su podaci o radnom statusu, korištenju prava na zdravstvenu zaštitu, socijalnu zaštitu, boračko-invalidsku zaštitu, podaci o stambenim uslovima i migracijama. Upitnik je usaglašen sa potrebama JU Centra za socijalni rad Tuzla, kao i sa elektronskom bazom podataka, koja je za ove namjene izrađena od strane programera angažovanog od strane Fondacije tuzlanske zajednice. Uz upitnik je izrađeno upustvo za popunjavanje upitnika kako bi se anketarima dale jasne smjernice za što kvalitetnije prikupljanje podataka tokom anketiranja

¹ Upitnik je izrađen od strane Udruženja „Zemlja djece u BiH“, 2013.godine, pilotiran je na terenu prilikom izrade socijalnih karata za: Prognaničko naselje Mihatovići, Romsko naselje Svatovac i Romsko naselje Kiseljak. Tokom 2014.godine matrica upitnika korištena je u mapiranju Romskih naselja u Mostaru i Banja Luci, a 2015.godine i u Bijeljini. Upitnik korišten za realizovanje mapiranja romskog naselja Kiseljak u 2018. godini je nadograđena i proširen matrica iz 2013.godine u skladu sa potrebama baze podataka i Centra za socijalni rada Tuzla.

stanovnika. Prije izlaska na teren, anketari su prošli i jednodnevni trening za popunjavanje upitnika koji je organizovan od strane Udruženja „Zemlja djece u BiH“. Samo anketiranje su izvršili romski medijatori iz partnerskih organizacija, u periodu od 01.02. – 01.03.2018.godine, uz mentorsku podršku socijalnih radnika JU Centra za socijalni rad Tuzla i Udruženja „Zemlja djece u BiH“. Svi anketari su stanovnici naselja Kiseljak, koji su već ranije imali iskustva u prikupljanju podataka na terenu.

U periodu od 01.04. do 01.05.2018.godine izvršen je unos prikupljenih podataka u elektronsku bazu podataka, nakon čega je izvršena analiza istih. Podaci iz analize su integrisani u ovom dokumentu.

Realizovanjem ovog projekta postavljeni su dobri temelji za proširivanje geografskog područja socijalnog mapiranja i izradu socijalne karte za sve mjesne zajednice na području grada Tuzle.

2. OPŠTI PODACI O MZ KISELJAK I NASELJIMA JEZERO, BARE, PRUGA 1 i PRUGA 2

Mjesna zajednica Kiseljak nalazi se na jugozapadnom dijelu grada Tuzla, koji je ujedno glavni grad i centralna administrativna jedinica Tuzlanskog kantona.² Udaljena je oko 11 km od centra grada Tuzle, a preko naselja Husino povezana je drumskim saobraćajem sa Magistralnom cestom M18 koja je dio evropskog Međunarodnog puta E762³. Kroz Mjesnu zajednicu Kiseljak prolazi željeznička pruga koja je u predratnom periodu doprinosila ekonomskom razvoju samog naselja.

Unutar mjesne zajednice Kiseljak nalaze se četiri romska naselja: „Jezero, Bankerova, Pruga 1, Pruga 2 u kojima živi 373 stanovnika nastanjena u 70 stambenih objekata.⁴ U neposrednoj blizini pomenutih naselja nalazi se jedno od najvećih vještačkih jezera u Bosni i Hercegovini, Jezero Modrac, u koje se ulijevaju rijeke Spreča i Turija. Jezero Modrac je akumulacijsko jezero koje se najvećim dijelom nalazi u općini Lukavac mada dodiruje i rubna područja općina Tuzle i Živinica gdje se prostire na oko 17 km², maksimalna dubina je oko 20 m, najveća

² Tuzlanski kanton jedan od deset kantona Federacije Bosne i Hercegovine, Bosna i Hercegovina. Sastoji se od Grada Tuzle i još 12 općina.

³ https://bs.wikipedia.org/wiki/Magistralni_put_M18

⁴ Informacije prikupljene tokom mapiranja Romskog naselja Kiseljak 2018.

širina 1,6 km i dužina od 11 km. Jezero Modrac je izuzetno veliki potencijal, ne samo za snadbjevanje industrijskih postrojenja vodom, već i za navodnjavanje, zatim kao veliki vodeni resurs za Fabriku pitke vode Cerik, te idealno mjesto za razvoj turizma.⁵

Historijat razvoja naselja Kiseljak seže unazad i do 100 godina. Masovnim migracijama stanovništva izazvanim ratnim i postratnim dešavanjima Prvog svjetskog rata, nekolicina porodica iz okolnih gradova našla je svoje utočište na području današnjeg naselja Kiseljak. Klimatski uslovi područja gdje je smješteno ovo naselje su povoljni, klima je umjereno - kontinentalna. Ljeta su vruća i suha s prosječnim temperaturama od 25° C, dok su zime hladne s prosječnim temperaturama od – 8° C.

Na području ove mjesne zajednice egzistira obrazovna ustanova OŠ „Kiseljak“ Tuzla, ambulanta porodične medicine, apoteka, pošta, dva vjerska i dva trgovinskog objekta. Socijalni radnik JU Centar za socijalni rad Tuzla dolazi u naselje jednom sedmično u svrhu pružanja informativno-savjetodavne podrške stanovnicima ove mjesne zajednice, prevashodno iz oblasti, socijalne, dječije i porodične zaštite. Značajan prirodni resurs MZ Kiseljak je i prirodni izvor mineralne vode koji postoji više od 100 godina. Nalazi se u neposrednoj blizini obale Jezera Modrac i prepoznato je izvorište termominearalne vode. Po ovom izvoru mineralne vode-kiseljaka naselje Kiseljak je i dobilo ime.

U dijelu naselja Kiseljak u kome je naseljeno uglavnom romsko stanovništvo, aktivno je nekoliko udruženja koja rade na poboljšanju životnih uslova Roma u ovom naselju, kao što su Evandeoska crkva, UŽR Bolja budućnost, UG Euro Rom, UG Sae Roma, UG Artsinteza, Udruženje „Zemlja djece u BiH“ i drugi. Od 2015.godine na području MZ Kiseljak djeluje i Fondacija tuzlanske zajednice koja je u okviru programa za razvoj zajednica podržala osnivanje Lokalne grupe za razvoj mjesne zajednice Kiseljak (LGZR), kao mehanizma za organizovano i plansko djelovanje aktivnih građana na stvaraju boljih uslova življenja.

⁵ <https://tourism-tk.ba/index.php/vodeni-turizam/item/126-jezero-modrac>

3. SOCIO-DEMOGRAFSKI PODACI

4.1. Stanovništvo

Anketirana naselja Jezero, Bankerova, Pruga 1. i Pruga 2 u MZ Kiseljak broje 373 stanovnika i sačinjena su od 70 domaćinstava unutar kojih je nastanjeno ukupno 99 porodica. Prosječan broj stanovnika po jednom domaćinstvu iznosi 5.3, dok je prosječan broj stanovnika po jednoj porodici 3.7 (Tabela 1.)

Tabela br. 1 - Pregled broja stanovnika, domaćinstva i porodica


R/B	NASELJE	BR. STANOVNIKA	BR. DOMAĆINSTAVA ⁶	BR. PORODICA	BR. STANOVNIKA PO DOMAĆINSTVU	BR. STANOVNIKA PO PORODICI
1	Jezero, Bankerova, Pruga 1, Pruga 2	373	70	99	5,3	3,7

4.1.1. Struktura stanovništva po spolu

Polna struktura stanovnika ovih naselja je prema rezultatima ovog mapiranja u korist muškog spola 53%, dok je pripadnica ženskog spola 47%.

⁶ Domaćinstvo predstavlja useljivi objekat, razdvajanje domaćinstava i porodica je urađeno iz razloga što unutar jednog domaćinstva (objekta) može da živi dvije ili više porodica.


Grafikon br. 1. – Struktura stanovništva po spolu



4.1.2. Etnička struktura stanovništva

Po pitanju nacionalne pripadnosti, anketirani stanovnici su se u najvećem postotku izjašnjavali kao Romi (356 ili 95,4%), zatim kao Bošnjaci (4 ili 1%) i Bosanci (4 ili 1%) te Hrvati (1 ili 0,2%), dok se 8 stanovnika (2%) nije izjasnilo.

Grafikon br. 2. – Etnička struktura stanovništva



4.1.3. Religijska struktura stanovništva

U pogledu religijske strukture, stanovnici su u najvećem postotku, njih 356 ili 95,4 %, se izjasnili kao pripadnici „Islamske vjeroispovijesti“, 2 stanovnika ili 0,5 % su se izjasnili kao „Katolici“, 1 ili 0,2 % čine „Ateisti“, 5 ili 1,3 % stanovništva su „neopredijeljeni“, dok 9 ili 2,4 % stanovništva nisu dali svoj odgovor.


Grafikon br. 3. – Religijska struktura stanovništva



4.1.4. Starosna struktura stanovništva iznad 18 godina

Od ukupnog broja stanovnika, 218 ili 58,5 % stanovnika je iznad 18 godina starosti od čega je 90 ili 41 % stanovnika životne dobi od 18 – 30 godina starosti, 53 ili 24,3 % stanovnika je životne dobi od 31 – 40 godina starosti, 38 stanovnika (17,4%) je starosti od 41 – 50 godina, 26 ili 12% stanovnika pripada grupi od 51 – 64 godine starosti a 11 ili 5% stanovnika je životne dobi od 65 – 85 godina.


Grafikon br. 4. – Starosna struktura stanovništva iznad 18 godina života



4.1.5. Starosna i spolna struktura djece⁷

U anketiranom dijelu MZ Kiseljak živi 155 djece, što je 41,5% od ukupnog broja stanovnika. Djeca uzrasta od 0-3 godine starosti čine 21% u ukupnoj strukturi stanovništva do navršениh 18 godina života, 19 djece ili 12,2 % su uzrasta od 4-5 godina života, 86 djece (55,5%) je uzrasta od 6-15 godina, dok 18 djece ili 11,6% pripada populaciji djece uzrasta od 16-18 godina života.


Grafikon br. 5. – Stanovništvo ispod 18 godina – podjela po životnoj dobi



Kada je u pitanju spolna struktura, 88 djece (56%) su dječaci, a 67 (44%) su djevojčice.

⁷ Dijete je osoba od rođenja do navršениh 18 godina života


Grafikon br. 6. – Stanovništvo ispod 18 godina – podjela po spolu



4.2. Porijeklo porodica

Strukturu anketiranog naselja čini 99 porodica od kojih su 92 porodice odnosno 93% porodice „*domicilnog*“ porijekla, 3 porodice ili 3% čine porodice *koje su raseljene*, 2 porodice ili 2% od ukupnog broja porodica su „*nepoznatog*“ porijekla, dok porodice koje su *izbjegle* sa predratnog prebivališta čine 2% od ukupnog broja porodica koje trenutno naseljavaju ovo područje (Grafikon br.7.)


Grafikon br. 7. – Pregled porijekla porodica



4.2.1. Struktura porodica

Od ukupnog broja porodica njih, 74 ili 75% su „*potpune porodice*“, 21 ili 21% su „*nepotpune porodice*“ čija je struktura narušena usljed smrti, gubitka, nestanka ili napuštanja jednog od bračnih partnera dok 4 ili 4% od ukupnog broja anketiranih porodica nije navelo svoj odgovor u upitniku.

Grafikon br. 8. – Pregled strukture porodica




4.2.2. Numerički odnos domaćinstvo - porodica

Unutar mapiranih naselja evidentirano je ukupno 70 domaćinstava - 99 porodica. Broj porodica koje koriste jedno domaćinstvo (useljivi objekat) kreće se od 1 do 5 porodica unutar jednog domaćinstva. Evidentirano je 39 ili 55,7 % domaćinstava sa „*jednom porodicom*“, 17 ili 24,2 %

domaćinstava sa „dvije porodice“, 4 ili 5,7 % domaćinstava sa „tri porodice“, 1 ili 1,4 % domaćinstvo sa „četiri porodice“ i 2 ili 2,8 % domaćinstava unutar kojeg živi „pet porodica“.


Grafikon br. 9. – Pregled numeričkog odnosa domaćinstvo - porodica



4.2.3. Pregled porodica po broju članova

Anketirana naselja čine porodice sa 1, 2, 3, 4, 5, 6, 7 i 15 članova, od kojih su najbrojnije porodice sa 2 i 4 člana. Shodno tome, zabilježeno je 10 porodica (10 %) sa „jednim članom“, 21 porodica (21 %) sa „dva člana“, 16 porodica (16 %) sa „tri člana“, 20 porodica (20 %) sa „četiri člana“, 19 (19 %) sa „pet članova“, 9 (9 %) porodica sa „šest članova“, 3 porodice sa „sedam članova“ i 1 porodica sa „petnaest“ članova (Grafikon br. 10.). Prosječan broj članova porodice u ovom naselju je 3,7 članova.


Grafikon br. 10. – Pregled porodica po broju članova



4.2.4. Bračni status porodica

Bračni status porodica karakterišu slijedeći parametri: najveći broj porodica ima status „*bračnih zajednica*“ (45%), zatim 31 % porodica živi u „*vanbračnoj zajednici*“, 4 % je „*razdvojenih zajednica*“, 2 % porodica ima status „*razvedenih zajednica*“, 11 % porodica u kojima žena ima status „*udovice*“ dok je 7 % „*neoženjenih/neudatih*“ (Grafikon br. 11.).

Grafikon br. 11. – Pregled bračnog statusa porodica



5. STAMBENI USLOVI PORODICA

5.1. Stambeni objekti

Najveći broj porodica, njih 71 ili 72 % za stanovanje koriste “kuću”, 14 ili 14 % porodica za stanovanje koriste “stan”, 8 ili 8 % porodica stanuje u “improviziranom objektu”⁸, 1 ili 1% porodica u “baraci”, dok 5 ili 5 % porodica nisu dali odgovor.

Grafikon br. 12. – Vrste naseljenih objekata




⁸ Improvizirani objekat – objekat vrlo male kvadrature, sagrađen od nekonvencionalnog materijala za gradnju stambenog objekta, izgrađen bez građavinske dozvole, bez priključka struje, vode, kanalizacije i često ekstremno higijenski zapušten i potpuno neuslovan za život.

5.1.1. Vlasništvo nad stambenim objektima

Najveći broj porodica (30) živi u stambenom objektu koji je u vlasništvu „*roditelja*“, 27 porodica je izjavilo da živi „*u vlastitom objektu ali da nema regulisane vlasničke papire*“, 21 porodica živi u „*vlastitom objektu 1/1*“, 8 porodica je stambeno zbrinuto u objektu koji je u „*vlasništvu Grada Tuzle*“, 1 porodica izjavila je da živi u objektu koji je „*vlasništvu prijatelja*“, dok 6 porodica nije dalo odgovor.

Grafikon br. 13. – Vlasništvo nad stambenim objektom



5.2. Korištenje komunalnih usluga

Kada su u pitanju komunalni priključci, električne energije, vode, telefona i interneta, od ukupno (70) stambenih objekata, 61 ili 87 % objekata ima priključenu „*električnu energiju*“, dok 9 objekata „*nema priključak električne energije*“.⁹ Po pitanju vodovodne mreže, 45 objekata je

⁹ Nekoliko objekata nema formalno regulisan priključak električne energije te kao izvor koristi najbliži priključeni objekta uz dogovorenu novčanu naknadu

„priključeno na vodovodnu mrežu“ dok je 25 objekata izvan sistema vodovodnog snabdjevanja. Na „kanalizacionu mrežu priključeno je“ 27 objekata, dok su 43 objekta ili 61,5 % „bez kanalizacionog priključka“. Na „kablovsku televiziju“ priključeno je 10 ili 14 % objekata..


Tabela br. 2. – Komunalni priključci

Rb	Naziv komunalne usluge	Sa priključkom	Bez priključka
1	Električna energija	87 %	13 %
2	Voda	65 %	35 %
3	Kanalizacija	38,5 %	61,5 %
4	Kablovska televizija	14 %	86%

5.2.1. Subvencija plaćanja komunalnih usluga

Od ukupnog broja porodica obuhvaćenih istraživanjem 21 ili 21 % porodica “uživa benefite subvencije plaćanja komunalnih usluga” na osnovu “socijalnog statusa” porodice, dok većina porodica (78) nema subvenciju. Subvenciju plaćanja “vode i električne energije” ima 9 ili 9 % porodica, subvenciju plaćanja računa “kablovske televizije” imaju 2 ili 2 % porodica, 15 porodica je izjavilo da uopšte “ne plaća komunalne usluge”, 17 porodica je u svom odgovoru navelo “ništa od navedenog”, dok 46 ili 47 % porodica “redovno plaća komunalne usluge” (Grafikon br. 14.)


Grafikon br. 14. – Subvencija plaćanja komunalnih usluga



5.3. Posjedovanje motornih vozila

Od ukupnog broja anketiranih porodica, 59,5 % porodica je dalo svoje odgovore na postavljeno pitanje, od čega 9 ili 15 % porodica „posjeduje automobil“, dok 5 ili 8 % porodica posjeduje „kombi“, 5 ili 14 % porodica odgovorilo je da „ne posjeduje motorno vozilo“, a 37 ili 63 % porodica nije dalo svoj odgovor. Također, niko od anketiranih porodica ne posjeduje kamion ili poljoprivredne mašine poput traktora, motokultivatora itd.

Grafikon br. 15. – Posjedovanje motornih vozila




6. RADNI STATUS STANOVNIKA

6.1. Pregled radnog statusa

Na anketiranom području 226 stanovnika je radno sposobno,¹⁰ od čega 10 stanovnika ili 4,4 % ima status „zaposlenih“, 104 stanovnika ili 46% je nezaposleno od kojih se njih 52 ili 48 % nalazi na evidenciji nezaposlenih kod Službe za zapošljavanje TK. Također, od ukupnog broja stanovnika, evidentirano je 16 ili 4,2 % „penzionera“, dok za 21 lice nije dobijen podataka o radnom statusu (Grafikon br. 16.)

¹⁰ Stanovnici životne dobi od 15 – 64.godine života

Grafikon br. 16. – Radni status stanovnika



6.2. Udio aktivnog stanovništva u ukupnom broju stanovnika naselja


Ukupan broj stanovnika koji su po godinama starosti stekli poslovnu sposobnost (stanovnici iznad 15 godina života) čini 61,6 % stanovništva. Osobe sa invaliditetom koje nisu u mogućnosti samostalno privređivati čine 4% (14) stanovništva dok 16 ili 4,2 % stanovništva čine penzioneri.

6.3. Način izdržavanja porodica

Velika stopa nezaposlenosti među stanovništvom koje je ubuhvaćeno anketiranjem primorala je iste da egzistenciju svojih porodica obezbijede pribjegavajući alternativnim načinima zarade kako bi osigurali minimum uslova potrebnih za preživljavanje. Načini alternativnog vida izdržavanja su: „sakupljanje starog željeza i drugih sekundarnih sirovina“ ili „rad na dnevnicu“, „pomoć od strane rodbine“ te nerijetko i „prosjačenje“. Od ukupnog broja anketiranih porodica, 32 ili 32,3 % porodica izdržavaju se od „sakupljanja sekundarnih sirovina“, 30 ili 30,3 % porodica svoju egzistenciju osigurava od „povremenog rada na nadnicu“, 5 ili 5 % porodica se izdržava putem „radnog odnosa na neodređeno vrijeme“, 5 ili 5 % porodica od „radnog odnosa na određeno vrijeme“. Ukupno 16 porodica ili 16 % se izdržava putem ostvarenog prava na „penziju“, 4 ili 4 % porodica se izdržavaju od „sezonskih poslova tokom ljetnog perioda“, 1 ili 1 % porodica se „izdržava od pomoći

rodbine“, 2 ili 2 % porodica se izdržavaju od „prosjačenja“ i 3 ili 3 % porodice nisu dale svoj odgovor. Prosjek novčanih primanja na mjesečnom nivou po jednoj porodici iznosi 132,27 KM.¹¹

Grafikon br. 17. – Način izdržavanja porodica



7. ODGOJ I OBRAZOVANJE

7.1. Obrazovna struktura stanovnika

Struktura stanovništva prema školskoj spremi osnovni je pokazatelj obrazovne strukture. Popisni podaci se naravno odnose samo na stanovništvo staro 15 i više godina. Bez obrazovanja je 121 osoba odnosno 51.3% stanovnika. Osnovnu školu je završilo 31,4% stanovnika, dok srednjoškolsko obrazovanje ima svega 9,7% stanovnika. Obrazovni prosjek stanovnika jeste završena osnovna škola,

¹¹ Obzirom da nisu sve porodice dale odgovor na postavljeno pitanje, postoji vjerovatnoća da je navedeni iznos veći od (132,27 KM) u prosjeku po jednoj porodici.

Tabela br. 3 – Stanovništvo starosti 15 i više godina prema školskoj spremi (2018.)

R/B	STEPEN OBRAZOVANJA	Broj stanovnika
1.	Bez obrazovanja	121
2.	Osnovna škola	74
3.	Srednja škola	23
4.	Bez odgovora	18

7.1.1. Predškolski uzrast

Na području naselja Kiseljak ne postoji predškolska odgojno-obrazovna ustanova. Najbliža predškolska odgojno-obrazovna ustanova nalazi se 17 km udaljena od naselja u gradu Tuzli. Unutar naselja trenutno živi 28 djece predškolskog uzrasta od 6 mjeseci do 3 godine, a 19 djece je uzrasta od 4 do 5 godina. Niti jedno dijete ne pohađa predškolsku ustanovu. Obavezni program predškolskog odgoja pred polazak u školu, u trajanju od 150 sati, se odvija unutar prostorija OŠ „Kiseljak“.

7.1.2. Pohađanje osnovnog obrazovanja

Stanovnici anketiranog područja po geografskom položaju pripadaju OŠ „Kiseljak“. Djeca koja imaju status školskih obveznika čine 23 % (86 djece) od ukupnog broja stanovnika ovog naselja.¹² Iz naredne Tabele vidljivo je da najveći broj djece pohađa 4., 5. i 6. razred, dok je najmanji broj djece zabilježen u 8. i 9. razredu osnovne škole.

¹² Školski obveznik“ je dijete koje u kalendarskoj godini do 1. septembra navršiti 6 godina života pa do navršene 15. godine života. (Sl. Novine TK 13/99 član 5. Zakona o osnovnom odgoju i obrazovanju TK).

Tabela br. 4 – Pregled broja učenika osnovne škole po razredima

R/B	Razred	Br. djece
1.	1	5
2.	2	7
3.	3	8
4.	4	9
5.	5	9
6.	6	4
7.	7	4
8.	8	3
9.	9	2


7.1.3. Srednje obrazovanje i odgoj

Srednje školsko obrazovanje stanovnici naselja Kiseljak pohađaju u srednjim školama na području grada Tuzle. Najbliža srednja školska ustanova je udaljena od naselja 11 km. Zbog velike geografske udaljenosti naselja od grada, te teškog socio-ekonomskog statusa porodica, za većinu porodica veliki problem predstavlja finansiranje prevoza učenika od kuće do škole i nazad, adekvatna odjeća i obuća, udžbenici, pribor i školska užina. To je po njima i jedan od najčešćih razloga za prekid daljeg školovanja nakon završetka osnovne škole odnosno prijevremenog napuštanja srednjeg obrazovanja. Od ukupnog broja stanovnika srednje obrazovanje je pohađa/lo 27 ili 7,2 % stanovništva.

7.1.4. Pregled broja djece koja su izvan školskog sistema

Analizom dobijenih rezultata istraživanja utvrđeno je da 27 djece školskog uzrasta nije uključeno u obrazovni sistem što čini 31 % od ukupnog broja „školskih obveznika“ (86) u ovom naselju. Od tog broja, 16 djece su predškolskog uzrasta koji su dorasli za obavezan vid predškolskog programa pred polazak u školu a nisu upisana u obrazovni proces, 8 djece ili 9% je školskog uzrasta, dok je 3 djece (3,4 %) zbog napunjenih petnaest godina života isključeno iz obaveznog školskog sistema (Grafikon br. 18).

Grafikon br. 18. – Pregled broja djece koja nisu uključena u školski sistem




8. ZDRAVSTVENA ZAŠTITA STANOVNIKA

8.1. Zdravstveno osiguranje

Unutar anketiranog područja evidentirano je 305 ili 81,77 % stanovnika „sa regulisanim zdravstvenim osiguranjem“ dok je 68 osoba ili 18,23 % stanovnika „bez zdravstvenog osiguranja“ (Grafikon br. 19.).

Grafikon br. 19. – Pregled broja stanovnika koji imaju/nemaju regulisano zdravstveno osiguranje



8.1.1. Vakcinacija stanovništva

Po pitanju obavezne imunizacije djece, 53 porodice sa djecom (54%) je izjavilo da „*redovno vrši vakcinaciju djece*“, dok je 46 porodica izjavilo da to ne radi redovno.

Grafikon br. 20. – Redovna/neredovna vakcinacija djece




8.1.2. Hronična oboljenja

Kada govorimo o hroničnim oboljenjima¹³ stanovnika anketiranog područja njih 52 ili 14 % „*boluje od nekog hroničnog oboljenja*“, dok 321 ili 86 % stanovništva „*nema dijagnosticiran neki vid hroničnog oboljenja*“. Najveći broj stanovnika boluje od astme, tačnije 5 stanovnika, zatim stanovnici sa psihičkim oboljenjima 3, stanovnici sa malignim oboljenjima.

¹³ Hronična bolest je bolest ili drugo zdravstveno stanje koje ima perzistentnu ili dugotrajnu prirodu. Termin hroničan se obično primijenjuje kad tok bolesti traje više mjeseci. Primijeri rasprostranjenih hroničnih bolesti su astma, kancer, dijabetes i SIDA.


Grafikon br. 21. – Hronična oboljenja



8.1.3. Lica sa invaliditetom

Analizom popunjenih upitnika evidentirano je 14 ili 14 % porodica koje „imaju člana porodice sa određenim stepenom invaliditeta“

Grafikon br. 22. – Porodice unutar kojih živi lice sa invaliditetom




8.1.4. Porodice i socijalno – patološki oblici ponašanja

Istraživanje je pokazalo da jedna porodica ima člana koji je ili je bio u „*sukobu sa zakonom*“, 9 porodica ili 9 % odgovorilo je da se bavi „*prosjačenjem*“, dok je 89 porodica ili 90 % porodica bilo „*bez odgovora*“ na ovo pitanje unutar kojeg su bili ponuđeni sljedeći odgovori: „*problem sa nakomanimom, alkoholom, kockom, prostitucijom.*“

8.1.5. Maloljetnički brakovi

Od ukupnog broja evidentiranih porodica, 13 porodica je „*stupilo u brak prije napunjene 18. godine života*“, dok je 86 porodica odgovorilo da je „*stupilo u brak nakon navršene 18. godine života*“ (Grafikon br. 23).

Grafikon br. 23. – Stupanje u brak prije navršene 18. godine života




9. SOCIJALNA ZAŠTITA

9.1. Poznavanje prava iz oblasti socijalne zaštite

Najveći dio porodica u anketiranom području, njih 33 ili 33 %, *ne poznaju svoja prava iz oblasti socijalne zaštite i ne znaju kako da ih ostvare* 30 ili 30 % porodica je odgovorilo da „*poznaju svoja prava ali ne znaju kako ih ostvariti*“ a isto toliko porodica je reklo da „*poznaju svoja prava i znaju kako ih ostvariti*“. Nezainteresovanost o načinu ostvarivanja određenih prava iz oblasti socijalne zaštite evidentirana je kod 5 porodica, dok se 2 porodice nisu izjasnile. Uzimajući u obzir teritorijalnu udaljenost ovog naselja od službi socijalne zaštite u gradu, te obrazovnu strukturu stanovnika, ohrabruje podatak da 60% porodica poznaje svoja prava iz oblasti socijalne zaštite, što se može pripisati i realizaciji programa povećanja informisanosti Roma u ovoj zajednici o pravima iz oblasti socijalne, zdravstvene zaštite i obrazovanja, koje aktivno realizuje u samom naselju Udruženje „Zemlja djece u BiH“ u saradnji sa JU Centar za socijalni rad Tuzla. Podatak da 33% stanovnika ne poznaje svoja prava jasno pokazuje da se sa edukacijama ovoga tipa treba nastaviti. U cilju bolje informisanosti stanovnika ove mjesne zajednice JU Centar za socijalni rad Tuzla u partnerstvu sa Fondacijom Tuzlanske zajednice je obezbijedio prisustvo socijalnog radnika svake sedmice u naselju Kiseljak kako bi bio na raspolaganju stanovnicima ovog naselja i kako bi im dao potrebne upute i upoznao o njihovim pravima, a da pri tome isti ne moraju dolaziti u sjedište Centra. Projekat obuhvata period od tri godine (2018, 2019 i 2020. godinu).


Grafikon br. 24. – Poznavanje prava iz oblasti Socijalne zaštite



9.2. Ostvarivanje prava iz oblasti socijalne zaštite

Od ukupnog broja anketiranih porodica (41 ili 41,5 % porodica „ostvaruje/uživa prava iz oblasti socijalne zaštite“ dok 58 ili 58,5 % porodica „ne ostvaruju prava“, razlog tome su neispunjavanje uslova za ostvarivanje jednog od navedenih prava ili činjenica da isti „nikada nisu ni tražili svoja prava“. Shodno tome, 22 ili 22 % porodica „ostvaruje pravao na dječiji dodatak“, 9 ili 9 % porodica ostvaruje pravo na „stalnu novčanu pomoć“, po 2 ili 2 % porodica ostvaruje „jednokratnu pomoć za opremu novorođenčeta“, „civilna žrtva rata“, „pomoć i njegu od strane drugog lica“, 4 ili 4 % porodica je ostvarilo pravo na „jednokratnu novčanu pomoć“, dok je 58 ili 59 % porodica navelo „ništa od navedenog“, pogledati grafikon br 26. Isplate socijalnih davanja često kasne i po nekoliko mjeseci te porodice čiji je primarni izvor egzistencije oslonjen na pomenuta primanja, većinu vremena žive na rubu egzistencije te se okreću alternativnim načinu privređivanja za život.


Grafikon br. 25. – Ostvarivanje prava iz oblasti socijalne zaštite



9.3. Poznavanje procedura prijave nasilja u porodici

Na pitanje “da li znate kome se obratiti u slučaju nasilja u porodici”, 93 ili 94 % porodica je odgovorilo da “znaju kome se treba obratiti”,”.

Grafikon br. 26. – Poznavanje procedura prijave nasilja u porodici




10. BORAČKO – INVALIDSKA ZAŠTITA

10.1. Porodice čiji su članovi bili/nisu bili pripadnici Armije R BiH

Anketiranjem je evidentirana je 21 porodica (21 %) čiji su članovi „bili pripadnici Armije RBiH“ od čega 19 porodica ima status „porodice demobilisanih boraca“, 1 porodica sa statusom „ratnih vojnih invalida“ i 1 porodica sa statusom „poginulih boraca“.


Grafikon br. 27 – Pregled porodica čiji su članovi bili/nisu bili pripadnici Armije RBiH



10.2. Ostvarivanje prava iz oblasti boračko – invalidske zaštite (BIZ-a)

U pogledu ostvarivanja prava iz oblasti BIZ-a, od ukupnog broja porodica sa statusom , 1 porodica ostvarila je pravo na „*ortopedski dodatak*“, 1 ili 33 % porodica ostvarila je pravo na „*pomoć u slučaju smrti člana porodice*“, 1 ili 33 % porodica ostvaruje pravo na „*porodičnu invalidninu (supruga i djeca)*“.

Grafikon br. 28. – Ostvarivanje prava iz oblasti BIZ-a




11. MIGRACIJE STANOVNIŠTVA

11.1. Pregled broja porodica koje su emigrirale u zemlje EU-a

Rezultati provedenog istraživanja pokazuju da su 42 (42%) porodice „*jednom ili više puta napuštalo svoj dom*“ u potrazi za azilom u zemljama Evropske unije.


Grafikon br. 29. – Pregled broja porodica koje su/nisu odlazile van granica BiH u potrazi za azilom



11.2. Razlozi emigracije porodica iz naselja Kiseljak u zemlje EU-a

Od ukupnog broja porodica (42) koje su napuštale BiH najveći postotak 19 ili 45 % porodica je napuštalo BiH zbog „siromaštva“ u kojima se nalaze njihove porodice, 15 ili 36 % porodica je odlazilo vani u potrazi za adekvatnim „liječenjem“ članova porodice, 7 ili 17 % porodica zbog „nemogućnosti pronalaska zaposlenja“ u svojoj državi i 1 ili 2 % porodica je napustilo BiH zbog „sukoba sa zakonom“.

Grafikon br. 30. – Razlozi emigracije porodica iz naselja Kiseljak u zemlje EU-a



12. PRILOZI

12.1. Instrument za prikupljanje podataka

U P I T N I K

Socijalna karta romskog naselja Kiseljak Tuzla

Ispitanik svojim potpisom daje saglasnost za uzimanje podataka o njegovoj porodici i članovima porodice te garantuje tačnost pruženih podataka. Anketar svojim potpisom garantuje ispravnost unesenih podataka te se obavezuje na zaštitu dobijenih podataka. Upitnik je sačinjen od 37 pitanja na koja odgovarate na način da zaokružite jedan ili više ponuđenih odgovora ili dopisivanjem odgovora. Cilj izrade socijalne karte je usmjeren na stvaranje uvida u socijalno, zdravstveno, obrazovno i materijalno stanje porodica nastanjenih na području romskog naselja Kiseljak.

Podaci iz upitnika koristiti će se u skladu sa odredbama Zakona o zaštiti ličnih podataka ("Službeni glasnik BiH" broj: 49/06, 76/11 i 89/11). Podaci uzeti od ispitanika služe u svrhu izrade socijalne karte dijela naselja Kiseljak te za izradu elektronske baze podataka – podaci su pod nadzorom Centra za socijalni rad Tuzla!

(Šifra domaćinstva: _ _ _)

(Šifra porodice: _ _ _ _)

Opšti podaci

1. Ulica stanovanja i broj: _____

2. Broj telefona: _____

3. Porijeklo porodice:

- a) Domicilno
- b) Izbjeglo
- c) Raseljeno

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

d) Povratnik

e) Stranac

4. **Porodica je:** a) Potpuna b) Nepotpuna (Zaokružiti odgovor)

5. **Bračni status** (Ispitanik živi u):

a) Bračna zajednica (sklopljena pred matičarem),

b) Vanbračna zajednica (nikada nisu vjenčani pred matičarem)

c) Razveden/a (rješenjem Suda)

d) Razdvojeni (supružnici ne žive zajedno ali nikada nije pokrenut proces razvoda bračne zajednice)

e) Udovac/ica

f) Neoženjen/Neudata

Ukoliko ste zaokružili odgovor „c, ili d)“ odgovarate na **pitanje 6**. Ukoliko ne, pređite na pitanje **7**.

6. **Ukoliko Vaš** (bivši bračni partner) **biološki otac/majka od Vaše djece ne živi sa Vama, da li vrši obavezu izdržavanja djece?**

DA NE

(Zaokruži odgovor)

Ukoliko je Vaš odgovor „NE“, molimo Vas da navedete razlog:

Radni status

7. **Radni status (članovi porodice iznad 15 godina života):**

OTAC: a) Zaposlen b) Nezaposlen c) Penzioner d) Na Birou e) Nije na Birou

MAJKA: a) Zaposlena b) Nezaposlena c) Penzionerka d) Na Birou e) Nije na Birou

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

- | | | | | |
|-------------------|---------------|--------------|-------------|------------------|
| _____ a) Zaposlen | b) Nezaposlen | c) Penzioner | d) Na Birou | e) Nije na Birou |
| _____ a) Zaposlen | b) Nezaposlen | c) Penzioner | d) Na Birou | e) Nije na Birou |
| _____ a) Zaposlen | b) Nezaposlen | c) Penzioner | d) Na Birou | e) Nije na Birou |
| _____ a) Zaposlen | b) Nezaposlen | c) Penzioner | d) Na Birou | e) Nije na Birou |
| _____ a) Zaposlen | b) Nezaposlen | c) Penzioner | d) Na Birou | e) Nije na Birou |
| _____ a) Zaposlen | b) Nezaposlen | c) Penzioner | d) Na Birou | e) Nije na Birou |

(Navedite člana porodice – sin, kćerka... - Zaokruži odgovor)

8. Na koji način izdržavate porodicu:

- a) Radom na dnevnicu,
- b) Sakupljanjem sekundarnih sirovina,
- c) Sezonski poslovi,
- d) Radni odnos na neodređeno vrijeme,
- e) Radni odnos na određeno vrijeme, _____ (navest do kada)
- f) Privatna registrovana djelatnost – navesti koje vrste _____
- g) Privatna neregistrovana djelatnost – navesti koje vrste _____
- h) Penzija – navesti visinu penzije _____ (nije obavezno) (nova/polovna roba, auta,...)
- i) Pomoć od strane rodbine,
- j) Odlaskom na Azil,
- k) Pomoć od strane Udruženja, navesti naziv Udruženja _____
- l) Ostalo (*prosjačenje – ne postavljati pitanje, samo zaokružiti ukoliko imate saznanje*)

9. Kolika je visina ukupnih novčanih primanja kojima porodica raspolaže na mjesečnoj osnovi: _____ KM.

(okvirno – nije obavezno navesti)

Socijalna zaštita

10. Da li znate koja su Vaša prava iz oblasti socijalne i zdravstvene zaštite i način na koji ih možete ostvariti?

- a) Poznajem svoja prava i znam način kako da ih ostvarim,
- b) Poznajem svoja prava ali ne znam kako da ih ostvarim,
- c) Ne poznajem svoja prava i ne znam način kako da ih ostvarim,
- d) Ne zanimaju me jer i onako ih ne mogu ostvariti,

11. Ostvarujete li neki vid novčane pomoći putem CSR-a:

- a) Jednokratna novčana pomoć,
- b) Jednokratna pomoć za opremu novorođenčeta,
- c) Stalna novčana pomoć (stalna socijalna),
- d) Pomoć i njega od strane drugog lica (tuđa njega i pomoć),
- e) Novčana pomoć po osnovu tjelesnog oštećenja,
- f) Novčana naknada za ortopedski dodatak,
- g) Dječiji dodatak (ako da, za koliko djece) _____
- h) Uvećan dječiji dodatak (ako da, za koliko djece) _____
- i) Drugi vid socijalne pomoći _____
- j) Civilna žrtva rata,
- k) Ništa od navedenog,

12. Da li ste koristili pravo na jednokratnu materijalnu pomoć u 2017 .godini?

- a) Centar za socijalni rad, upišite koliko puta ()
- b) Opština/grad, upišite koliko puta ()
- c) Crveni krst, upišite koliko puta ()
- d) Vjerske humanitarne organizacija, upišite koliko puta ()
- e) Druge nevladine organizacije, upišite koliko puta ()

DA NE

(Zaokruži odgovor)

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

13. Da li je netko od članova porodice trenutno: (navesti koji član porodice i na koliki period)

- a) Na izdržavanju zatvorske kazne, _____ (npr. sin, kćerka, suprug, supruga...)
- b) Smješten/a u Dom za djecu bez roditeljskog staranja, _____
- c) Smješten/a u Prihvatilište za djecu bez adekvatnog roditeljskog staranja, _____
- d) Smješten/a u sigurnoj kući, _____
- e) Drugo, _____

(Navesti)

14. Da li ste upoznati kome se treba obratiti u slučaju nasilja u porodici?

DA NE
(Zaokruži odgovor)

Boračko – invalidska zaštita

15. Da je neko od članova porodice bio pripadnik oružanih snaga Armije BiH (tokom agresijena na BiH)?

DA NE
(Zaokruži odgovor)

Ukoliko je Vaš odgovor „NE“ predite na pitanje broj 18.

Ukoliko ste u prethodnom odgovoru zaokružili „DA“, molimo Vas da u nastavku zaokružite:

- a) Status demobilisanog borca, (Bio pripadnik Armije BiH)
- b) Status ratnog vojnog invalida (RVI), (Borac koji je ranjen u ratu)
- c) Status poginulog borca, (Borac koji je poginuo u ratu)
- d) Status šehida – šehidska porodica, (poseba status poginulog borca u ratu muslimanske vjeroispovjesti)
- e) Zlatni ljiljan, (najveće vojno odlikovanje)
- f) Srebreni štít, (odlikovanje za hrabrost tokom obavljenja profesionalnih zadataka van Oružanih snaga BiH)

16. Da li je Vaša porodica korisnik prava iz oblasti boračko-invalidske zaštite?

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

- a) Lična invalidnina, navesti koja grupa _____ (od 1-10),
- b) Porodična invalidnina (Supruga i djece),
- c) Porodična invalidnina (Roditelji),
- d) Dodatak za njegu i pomoć od strane drugog lica, navesti koji stepen _____ (od 1-3),
- e) Ortopedski dodatak, navesti koji stepen _____ (od 1-3),
- f) Pomoć u slučaju smrti (Jednokratna pomoć),

17. Rješavanje stambenog pitanja putem boračko-invalidske zaštite gdje ste ostvarili pravo na:

- a) Beskamatna kreditna sredstva u visini od _____ KM,
- b) Kreditna sredstva sa subvencioniranom kamatom u visini od _____ KM,
- c) Dodjelu bespovratnih sredstava u visini od _____ KM
- d) Dodjela stana u vlasništvo,
- e) Stanovi Kantonalnog fonda za izgradnju,

Stambeni uslovi

18. Za stanovanje koristimo: a) Kuću b) Stan c) Baraku d) Improviziran objekat

19. Kuća/stan/baraka je u vlasništvu:

- a) Vlastitom 1/1, 1/2, 1/3, 1/4, _____
 - b) Vlastitom ali nemamo regulisane papire,
 - c) Roditelja,
 - d) Rodbine,
 - e) Prijatelja,
 - f) Grada Tuzle,
 - g) Vjerske zajednice _____ (navesti koje)
-

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

h) Iznajmljujemo objekat i visina mjesečne rente za kuću/stan iznosi _____ KM.

20. Površina objekta u kojem živite iznosi _____ m² i objekat je priključen na:

- a) Električnu mrežu (struja),
 - b) Vodovodnu mrežu (voda),
 - c) Kanalizacionu mrežu (kanalizacija),
 - d) Kablovsku televiziju (TV),
 - e) Internet,
 - f) Telefon
 - g) Ništa od navedenog
- (Zaokružiti jedan ili više odgovora)

21. Da li vaša porodica koristi subvencije komunalnih usluga?

- a) Struja,
- b) Voda,
- c) Kanalizacija,
- d) Grijanje,
- e) Telefonske usluge,
- f) Internet,
- g) TV,
- h) Ne plaćamo usluge – razlog tome je _____.
- i) Redovno plaćamo punu cijenu usluga, (Navesti)

22. Da li vaša porodica posjeduje i koliko:

- a) Zemljišta - parcela _____ m² (Navesti)
 - b) Šuma _____ m² (Navesti)
 - c) Voćnjak _____ m²
 - d) Platenik _____ m² navesti koliko platenika _____
-

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

- e) Stoka _____, navesti količinu _____
(vrsta stoke)
- f) Perad _____, navesti količinu _____
(vrsta peradi)
- g) Ne posjedujemo ništa od navedenog

23. Posjedovanje motornog vozila:

- a) Motocikl, _____ (navesti količinu)
- b) Auto, _____
- c) Kombi, _____
- d) Kamion, _____
- e) Traktor, _____
- f) Motokultivator, _____
- g) Poljoprivredne mašine _____ (navesti vrstu i količinu)
- h) Ne posjedujemo motorno vozilo,

Zdravstvena zaštita

24. **Da li svi članovi porodice imaju regulisano zdravstveno osiguranje:** **DA** **NE**
(ukoliko ste zaokružili „NE“ navedite koji član porodice nema zdravstveno osiguranje i zašto).

25. **Da li neko od članova porodice boluje od nekog vida hroničnog oboljenja?** **DA** **NE**
-

- e) Prostitucija, navesti koji član porodice _____
- f) Prosjačenje, navesti koji član/ovi porodice _____
- g) Ništa od navedenog _____

Migracije

31. **Da li ste sa porodicom odlazili van granica BiH?**

DA **NE**
(Zaokruži odgovor)

Ukoliko je odgovor **DA**, koji je razlog Vašeg odlaska van države?

- a) Turistička posjeta,
- b) Posjeta rodbini,
- c) Azil,
- d) Obrazovanje,
- e) Ostalo _____
(Navesti)

(Ukoliko je Vaš predhodnih odgovora bio pod „c“ – **Azil**, nastavljate sa odgovorima na daljnja pitanja, ukoliko ne, pređite na pitanje 37.)

32. **Koliko ste puta do sada odlazili van BiH u potrazi za azilom?** _____
(Navesti)

33. **U koje države ste do sada odlazili?** _____
(Navesti)

34. **Koji su razlozi Vašeg odlaska van BiH?** _____

(Navesti)

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

35. **Koliko dugo ste se zadržali van BiH i koji je razlog Vašeg povratka u BiH ?** _____

(Navesti)

36. **Da li planirate povratak u inostranstvo?**

DA NE

(Zaokruži odgovor)

Ukoliko je vaš odgovor „DA“, navedite u kojem periodu godine planirate povratak u inostranstvo

(Navesti mjesec i godinu)

37. **Napomena anketara (navesti za koja pitanja):** _____

Zahvaljujemo se na odvojenom vremenu!

Intervju je održan dana ___/___/201__g.; početak intervjuja u ___/___ h – završen intervju u ___/___ h

(Potpis ispitanika)

(Potpis anketara)

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

12.2. Kućna lista – prilog 1

Šifra domaćinstva: _ _ _
Šifra porodice: _ _ _ _

Rb	Ime (oca) i prezime	JMBG	Broj lične karte	Datum rođenja	Mjesto rođenja	Srodstvo	Obrazovanje	Vjeroispovjest	Nacionalnost	Napomene
1										
2										
3										
4										
5										
6										
7										
8										
9										
10										
11										
12										

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD TUZLA**

Tuzla, Kozaračka bb, tel:+387 35 36 90 10, fax: +387 35 36 90 36, e- mail: info@czsrtuzla.ba

12.3. Podaci od djece – prilog 2

Šifra domaćinstva: _ _ _
Šifra porodice: _ _ _ _

Rb	Ime (oca) i prezime	Datum rođenja	Mjesto rođenja	Uzrast (predškolski/ srednjoškolski/ školski)	Uključen/a u predškolski/ školski/srednjošk olski sistem	Razred (napisati brojem)	Uspjeh u školi (1,2,3,4,5)	Naziv škole	Napomene
1									
2									
3									
4									
5									
6									
7									
8									
9									
10									
11									

Implementacija i koordinacija projekta:

Udruženje „Zemlja djece u BiH“ – direktorica Mirsada Bajramović

JU Centar za socijalni rad Tuzla – direktorica Lejla Jogunčić

Fondacija tuzlanske zajednice – direktorica Jasna Jašarević

Istraživački tim: Sabina Sinanović Čatibušić (koordinator programa), Adnan Drndić (koordinator istraživanja ispred Udruženje Zemlja djece u BiH), Subhija Bajrić (mentorica istraživača ispred JU Centra za socijalni rad), Denis Mujić, Zula Dzafić, Rasema Dzafić (istraživači ispred partnerskih organizacija), Enes Sarajlić (izrada baze podataka), Azra Gazibegović Šimić, Anis Mulalić, (unos podataka)

Zahvaljujemo se Fondaciji tuzlanske zajednice za saradnju i podršku tokom izrade Socijalne karte romskog naselja Kiseljak, te donatorima Freudenberg Fondaciji iz Njemačke i Globalnom Fondu za Fondacije za razvoj zajednice, za finansijsku podršku ovom partnerskom projektu.

Posebnu zahvalnost dugujemo partnerima koji su dali nesebičan doprinos u realizaciji socijalnog mapiranja u romskom naselju Kiseljak, prije svega: Službi za ekonomski razvoj i društvene djelatnosti Grada Tuzla, MZ Kiseljak, UŽR „Bolja budućnosr“ i Evanđeoskoj crkvi Tuzla/Kiseljak.